



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## In Genesis Enarratio

Chyträus, David

Vitebergæ

VD16 C 2625

II. De Confusione Linguarum.

**urn:nbn:de:hbz:466:1-36126**

DE LINGVARVM  
confusione.

Etsi horribilis pœna est confusio & uariarum  
Linguarum, quæ plurimarum in uita calamitas  
occasio & seminarium est, & propagationem  
de Deo doctrinæ, & communicationem sermonum  
de contractibus & de doctrinis & alijs rebus  
necessarijs impedit: tamen hac nostri peccati pœna  
Spiritus sanctus ad gloriam Dei & nostram salu-  
tatur, & per diuersitatem linguarum cunctas  
gentes in unitate fidei congregat: ut in ueteri  
propheta dicitur. Itaq; etiam donum Linguarum  
Ecclesia accendit, & seuerissimè præcipit, ut  
linguas, quæ fontes doctrinæ cœlestis continent, dili-  
genter discamus.

Iubet nos Filius Dei scrutari scripturas Prophe-  
tarum & testimonia de ipso diligenter inquirere.  
eternus Pater de cœlo clamans iubet audiri do-  
ctrinam Filium Dei. At Conciones Filij Dei et Prophe-  
tarum, monumentis Linguae Græcæ & Ebrææ sunt  
prehensæ.

Has igitur Linguas ab omnibus, qui fontes  
de Christo doctrinæ degustare cupiunt, necesse  
est disci & familiariter cognosci, ut etiam in  
crucis Christi, Ebræis, Græcis & Latinis literis

pto, significatum est, hisce tribus Linguis præcipue ueram de CHRISTO doctrinam contineri. Exant autem aliquot Orationes Philippi, de Necessitate discendi Linguas, & ingentibus utilitatibus, quas mediocris earum cognitio discantibus doctrinam Ecclesie adfert. Has Orationes diligenter studiosi legant.

III.

DE PLVRITATE

Personarum Diuinitatis.

De pluritate Personarum Diuinitatis & supra Capite 1. & in loco de Deo dictum est. Adiungatur autem ceteris hoc quoq; Cap. 11. testimonium, Venite descendamus & confundamus ibi linguam eorum. Quandoq; enim in ueteri Testamento Deus de seipso loquitur plurali numero, certum est plures Personas Diuinitatis significari, quæ in nouo Testamento adpellantur, Pater, Filius, & Spiritus sanctus, ut supra cap. 1. dicit Deus, Faciamus hominem. Necessè est igitur plures Personas esse, quæ consilia & colloquia de creatione Hominis communicent.

IIII.

DE PERPETVA SVC-

S 5 cessione